

«MOTTAKERNAVN»
«ADRESSE»
«POSTNR» «POSTSTED»

Trondheim, 18.04.2017

Dykkar ref.:
[Dykkar ref.]

Vår ref.:
2017/4126

Sakshandsamar:
Geir Rune Rauset

Skadefelling av jerv i delar av region 1 - 2017

Miljødirektoratet set etter eige tiltak i verk skadefelling av opp til 4 enkeltdyr av jerv i delar av rovviltregion 1. Miljødirektoratet v/Statens naturoppsyn (SNO) er ansvarleg for gjennomføring av fellingsforsøka. Skadefelling vert gjennomført for å hindre skade på husdyr.

Tiltaket er heimla i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13 jf. §§ 1 og 3.

Vi viser til Miljødirektoratet sine vurderingar og bakgrunnsinformasjon for vedtaket i vedlegget "Grunnlag for skadefelling av jerv i Noreg 2017".

Vi viser vidare til

- Rovviltnemnda i region 1 sine prioriteringar for uttak av jerv
- "Søknad frå kommunane Suldal, Hjelmeland, Bykle og Odda om uttak av jerv i rovdyrsonene 1" datert 24. januar 2017
- "Anmodning om ekstraordinære uttak av jerv 2017 og analysar av DNA prøvar frå jerv 2017" frå Rogaland Sau og Geit 20. datert februar 2017

Bestand og overvaking

Vi legg til grunn nasjonal status for bestandssituasjonen i vedlegg "Grunnlag for skadefelling av jerv i Noreg 2017".

I rovviltregion 1 er det ikkje fastsett bestandsmål for ynglingar av jerv. Året 2016 vart det ikkje observert ynglingar av jerv i regionen, og heller ikkje dei to føregåande åra (NINA rapport 1291). Så langt i denne overvakingssesongen har det ikkje blitt observert jerveynglingar i region 1.

Det har vore fleire observasjonar av einskilte jervar i dei aktuelle områda for uttak. I kommunane Eidsfjord, Ullensvang, Odda og Suldal, i tillegg til kommunane Nore og Uvdal, Vinje og Valle i

rovviltregion 2, er det jamleg observert ein hannjerv (Ind3597, identifisert gjennom > 20 DNA-prøver) sidan vinteren 2016.

I kommunane Luster og Årdal er det så langt identifisert 3 ulike individ gjennom DNA denne overvåkingsperioden. I kommunane Jølster, Naustdal og Gloppen har det vore 4 dokumenterte observasjonar av jerv i mars-april 2017.

I løpet av lisensfellingsperioden for jerv i 2016-2017 vart det ikkje felt jerv i region 1.

Skadesituasjon og erstatning for rovviltskadar

Beitesesongen 2016 vart 59 lam dokumentert som drepne av jerv i kommunane Odda og Suldal (vurderingane "dokumentert" og "antatt sikker"). Fylkesmennene i Hordaland og Rogaland erstatta til saman 216 lam og 10 sau som tap til jerv i 2016, noko som utgjer 72% av samla erstatning for tap til freda rovvilt.

I Sogn og Fjordane vart det ikkje dokumentert sau/lam drepne av jerv i beitesesongen 2016. Fylkesmannen i Sogn og Fjordane erstatta til saman 96 sau/lam som tap til jerv i 2016, noko som utgjer 42% av samla erstatning for tap til freda rovvilt.

Miljødirektoratet sine vurderingar

Direktoratet konstaterer at lisensfelling ikkje har vore tilstrekkeleg for å regulere bestanden av jerv og dermed redusere skadepotensiale overfor beitenæringane i enkelte område av region 1. Skadehistorikk og skadepotensiale for sau er gjeve avgjerande vekt i vurderinga. Bestands-situasjonen for jerv og rovviltneimda si prioritering av aktuelle område for uttak er andre moment som direktoratet har vektlagt i si vurdering. Vi legg til grunn nasjonal status og lovgrunnlaget i vedlegg "Grunnlag for skadefelling av jerv i Noreg 2017".

Direktoratet vurderer at det ikkje ligg føre noko anna tilfredsstillande løysing i det aktuelle området enn ekstraordinært uttak av jerv vinteren/våren 2017. Eit slikt uttak vert vurdert til ikkje å vere til skade for jervebestanden si overleving, eller å kome i konflikt med det nasjonale bestandsmålet for jerv, jf. Innst. S. nr. 174 (2003-2004) og rovviltforskriften §§ 3 og 4. Miljødirektoratet har vore i dialog med rovviltneimda om saka.

Konklusjon

Ut frå vurderingane ovanfor og med heimel i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13, jf. §§ 1 og 3, set direktoratet av eige tiltak i verk felling av inntil 4 enkeltdyr av jerv innanfor nærare avgrensa område i Rogaland, Hordaland og Sogn og Fjordane fylke. Forsøk på felling skal primært rettast mot område med konsentrerte jerveskader på sau innanfor dei nærare gjevne område.

Følgjande vilkår er knytt til iverksetjing av felling:

1. Fellingsområde og tal:

- A. Delar av Hordaland og Rogaland, avgrensa i nord av Rv7, i vest av Rv13 og i sør av Fv5000. Opp til eitt dyr.
- B. Delar av Sogn og Fjordane avgrensa i sør av Rv50, i vest av Aurlandsfjorden, Fjærlandsfjorden, Rv5, E39 og Rv60. Opp til to dyr.
- C. Delar av Sogn og Fjordane avgrensa i sør av Rv5, i vest/nord av Rv615 og i aust av E39. Opp til eitt dyr.

2. Miljødirektoratet v/Statens naturoppsyn er ansvarleg for gjennomføring av fellingsforsøket.

Fellingsforsøket vert gjennomført i tråd med fastsett Instruks for det statlige fellingslaget ved uttak av vilt.

3. Vedtaket gjeld i tidsrommet 18 - 24. april 2017.

4. Miljødirektoratet kan til ein kvar tid trekkje tilbake løyve til felling.

5. Dersom yngling blir påvist i området der forsøk på felling av enkeltdyr er i gang, skal direktoratet varslast og gjere ei vurdering om løyve til felling av enkeltdyr skal endrast til uttak og avliving av årsunge (/ar) og mordyr frå ynglehi.

Et slikt uttak av eige tiltak er ikkje eit enkeltvedtak, og forvaltningsloven sine klagereglar kjem ikkje til bruk, jf. naturmangfoldloven § 18 tredje ledd.

Dette brevet vert sendt til rovviltnemndene i region 1 og 2, Fylkesmennene i Sogn og Fjordane, Hordaland, Rogaland, Vest-Agder, Aust-Agder og Telemark, vedkomande kommunar og politidistrikt, Klima- og miljødepartementet, Landbruks- og matdepartementet og Mattilsynet.

Løyve til felling vart gjeve pr. telefon/SMS til SNO 17 mars 2017. Rovviltnemnda og Fylkesmennene i Region 1 vart vidare informert. Med bakgrunn i sporobservasjonar vart det geografiske omfanget av tiltaket 18. april utvida til å inkludere delar av region 2. Den 18. april felte SNO tre hann-jervar, ein i Suldal i Rogaland, ein i Luster og ein i Årdal i Sogn og Fjordane.

Helsing
Miljødirektoratet

Dette dokumentet er elektronisk godkjent og har difor ingen signatur

Susanne Hanssen
fung. seksjonsleiar

Geir Rune Rauset
rådgjevar

Vedlegg 1: Grunnlag for skadefelling av jerv i Noreg våren 2017